

5 時 間 與 空 間

——紀念馬克思逝世一百週年——

■

石
刻
鋪
敘

曾宏父纂述

中
華
書
局

石刻鋪敘

叢書集成初編所選知不足齋叢書貸園叢書皆收有此書知不足本有附錄校記故據以排印

石刻鋪敘目錄

卷上

紹興御書石經

益郡石經

鐘鼎彝器款識帖

祕閣及諸郡帖譜

祕閣前帖淳化初刊
大觀重刊

絳帖

卷下

長沙帖

廬陵帖

清江帖

武岡帖

元祐祕閣續帖

石刻鋪敘
目錄

石刻鋪敘目錄

汝帖

武陵帖

淳熙祕閣前帖

淳熙祕閣續帖

羣玉堂帖

鳳墅前帖

畫帖

續帖

蘭亭敘

定武蘭亭刻

六一先生集古錄

石刻鋪敘卷上

鳳墅逸客曾宏父纂述

紹興御書石經

靖康丁未夏四月，皇宋中興，高宗卽大位，改元建炎。至紹興十三年癸亥，通十九年，金國侵凌，干戈之日居多，乃能親御翰墨，作小楷，以書周易、尚書、毛詩、春秋、左傳、全帙，又節禮記、中庸、儒行、大學、經解、學記、五篇、章草語孟。論語波法類章草實楷與行之間惟最切書孝經乃作真草二本耳安父當日似不盡見也悉送成均。九月甲子，左僕射秦檜請鑄石以頒四方，卷末皆刻檜跋語。

益郡石經

陸務觀訪楊先生不遇，因至石室，落句云：出門還愴怳，到屋打碑聲。自注：體東卽石經堂。

孝經一冊二卷，序四百三十九字，正經一千七百九十八字，注二千七百四十八字。孟蜀廣政七年三月二日，右僕射卅昭裔以雍經石本校勘，簡州平泉令張德釗書。趙希弁讀書附志云：孝經不鐫工，穎川陳德謙

論語三冊十卷，序三百七十二字，正經一萬五千九百十三字，注一萬九千四百五十四字。廣政七年四月九日校勘，書鐫姓名，皆同孝經。

爾雅一冊二卷，不載經注數目。廣政七年甲辰六月，右僕射卅昭裔置簡州平泉令張德釗書，鐫者武令

昇。

周易四冊十二卷。又略例一卷。正經二萬四千五十二字。注四萬二千七百九十二字。廣政十四年辛亥仲夏刊石。朝議郎國史毛詩博士孫逢吉書。

毛詩八冊二十卷。正經四萬一千二十一字。注十萬五千七百一十九字。將仕郎祕書省祕書郎張紹文書。鐫工張延族。

尚書四冊十三卷。正經二萬六千二百八十六字。注四萬八千九百八十二字。將仕郎祕書省校書郎周德貞書。鐫工陳德超。

儀禮八冊十六卷。正經五萬二千八百二字。注七萬七千八百九十一字。

禮記十冊二十卷。正經九萬八千五百四十五字。注十萬六千四十九字。以唐元宗所刪月令爲首。曲禮次之。亦張紹文書。

周禮九冊十二卷。正經五萬五百八十八字。注十一萬二千五百九十五字。將仕郎祕書省祕書郎孫朋吉書。春秋左氏傳二十八冊三十卷。序一千六百一十七字。經傳十九萬七千二百六十五字。注十四萬六千

九百六十二字。蜀鐫至十七卷止。

穀梁六冊十二卷。傳四萬一千八百九十字。注三萬九千七百三十字。

公羊六冊十二卷。傳四萬四千七百三十八字。注七萬七千三十七字。

畢工於皇祐元年己丑九月望日。帥臣樞密直學士京兆郡開國侯田況、益州路諸州水陸轉運使曹穎叔、提點益州路刑獄孫長卿、暨倅僉皆鑄銜於石。容齋筆記田況大書爲三行，曹穎叔孫長卿各細字行，蓋以當附書後列。成都志又謂公穀田況所刻。

孟子十二卷。宣和五年九月，帥席賁暨運判彭慥方入石。踰年乃成，計四冊。

考異一冊。乾道六年庚寅三月旦，東里晁公武校石經與監本不同者，作爲此書。

易五

書十

詩四十

周禮四十

儀禮三十

禮記三十

左傳四十

公羊二十

穀梁三十

孝經四

論語八

爾雅五

孟子二十

此正經不同者如此，傳注不與。

古文尙書三冊三卷。蓋唐天寶未廢古書前傳本。中汲郡呂大防得之於宋次道王仲至家，乃元豐五年壬戌鏤版。乾道六年庚寅，帥晁公武取以入石。教官張大固等監刊。

益郡石經肇於孟蜀廣政，悉選士大夫善書者模丹入石。七年甲辰，孝經、論語、爾雅先成。時晉出帝改元開運，至十四年辛亥，周易繼之。實周太祖廣順元年。詩書三禮不書歲月，逮春秋三傳，則皇祐元年九月訖工。時我宋有天下已九十九年矣。通蜀廣政元年肇始之日，凡一百一十二祀，成之若是其艱。

又七十五年宣和五年癸卯益帥席貢始湊鑄孟子運判彭億繼其成乾道六年庚寅晁公武又鑄古文尙書暨諸經考略洪文敏公邁謂孟蜀所鑄字體清謹有正觀遺風續補經傳殊不逮前且引魏證虞世南相繼爲祕書監日請選五品以上子孫工書者爲書手蓋欲字畫清婉可以傳久是以自經傳以後非士夫所書皆不著姓氏若漢石經今不易得好古者所藏僅十數葉蜀中又以翻刊入石黃長睿謂開元中藏拓本於御府以開元二字小印印之是元宗時已罕得況今又六百年後耶

鐘鼎彝器款識帖

二十卷定江僉幕陳氏書目作通直郎錢唐薛尚功編次并釋起於夏而盡於漢初卷夏凋戈鉤帶商鐘鼎二卷商之尊彝三則卣四則壺爵五則觚舉觶敦甗鬲盃匜盤戈皆商器也六之七悉載周鐘八之後益以磬銘九之十則鼎之篆識十一爲尊卣壺舟寶十二爲觶角彝匜十三至十四盡敦銘十五則簠簋豆盃十六則甗鬲盤盃孟匜十七則戈鐸鼓琥皆周器也十八卷秦璽權斤居前其後爲漢鐘甬鈇鼎彝十九乃鑪壺卮律管匜洗鉦末卷則鐙錠燭槃甗釜甗弩機皆漢器也紹興十四年甲子六月郡守林師說爲鑄置公庫石以片計者二十有四視汝之所刻武陵所鑄金石篆隸則此帖爲備自漢以降則變隸爲楷變楷爲草祕閣續帖詳之矣郡守譙令憲又別鑄王右軍十七帖於庾樓

帖譜

淳熙祕閣續帖

十二年乙巳

【翻】淳熙秘閣前帖

十二年乙巳

【翻】清江帖

元祐七年壬申

【翻】廬陵帖

皇祐

【翻】長沙帖

慶歷五年乙酉

元祐秘閣續帖

【編類成】武陵帖

秘閣前帖

淳化三年壬

辰刻石大觀

並次重刻

五年庚午

紹興十一年辛酉

【增減成】絳帖——【翻】武岡帖

汝帖

大觀二年己丑

羣玉堂帖

太師平原郡王韓侂冑所集刻

鳳墅前帖

曾宏父

畫帖

時賢題詠帖

續帖

開絳諸郡帖譜具前。今鋪敘於後。

祕閣前帖

衍極注云他本刊卷數在上版數在下惟此本卷數版數字皆相連屬他本行數字比帖小而瘦此本字數比帖中皆大而濃○洞天清錄集云前有界行目錄

十卷。淳化三年壬辰翰林院所鑄。侍書王著編次。緒正以歷代帝王帖爲初卷。而冠以漢章帝書。博古者多議此乃漢代章草耳。非章帝所書。又謂自漢章而下至梁簡文七帖。竝一手僞爲之。二之四卷。則歷代名臣帖。寘蒼頡夏禹書於第五卷。六之八卷。悉王羲之書。七卷誤攙入釋智永一帖。九之十。則獻之書。米元章黃長睿辨其真贋。各卷條列甚詳。累數千言。見之法帖刊誤。蓋其源得自江左。多南唐善書者。取前賢語以意成之。非臨非摹。是謂倣帖。藏之祕閣。凡數匣。明題云倣書皆用澄心堂紙。與李廷珪墨。悉後主在江南日所製者。宣政間守官祕閣。如劉無言輩猶及見之。淳化畢工。碑龕禁中。大臣登二府者。楊以賜焉。歐陽文忠謂中爲火所焚。或言其碑元在。但其後不以賜臣下。按國史仁宗天聖十年壬申八月。禁中火。延燔崇德等八殿。帝奉太后避火苑中。後二十年。皇祐三年辛卯。楚公劉沆入參大政。猶有楊本。嘉祐五年庚子。堯公歐陽脩爲樞副。則無之。是罷賜典故。當在至和以後。乃仁宗末年。大觀初。徽宗視淳化帖。石已皴裂。且王著標題多誤。詔出墨蹟更定。彙次較淳化所刻。非若絳帖他有去取增減。祇併武帝一帖。

合於西晉武帝帖後。擇七卷。右軍帖內誤入智永書。列在第五卷。合首卷古帖三段併而歸一。及躋晉宣於晉武上之類。使先後次序不紊。迨名臣帖亦然。俾蔡京書及卷首末刊石太清樓下。此正國朝盛時典章文物燦然備具。百工技藝咸精其能。視淳化草創之始自然不同。且當時盡出元藏真帖臨摹定其舛誤。非若外方但因石刻翻刊。京雖驕吝字學恐出王著右。是大觀之本愈於淳化明矣。經靖康之禍。新舊二刻莫知存亡。

閣帖目錄

【淳化編次】

第一卷

漢章帝

晉武帝

宣帝

東晉元帝

明帝

康帝

哀帝

【大觀更定】

漢章帝

西晉宣帝

西晉武帝

東晉元帝

東晉明帝

東晉康帝

東晉哀帝

簡文帝

文孝王

武帝

宋明帝

齊高帝

梁武帝

高帝

簡文帝

唐太宗

高宗

陳長沙王

永陽王

第二卷

漢張芝

崔子玉

叔璠伯智

東晉簡文帝

宋明帝

齊高帝

梁武帝

梁高帝

梁簡文帝

唐太宗

唐高宗

東晉文孝王

陳長沙王

陳永陽王

洛下金陵諸賢次序亦錯亂新學禁人讀史之弊也

後漢車騎將軍崔子玉

後漢張芝樞機中來南者英字機去末筆

魏鍾繇

吳刺史臧象

晉丞相張華

丞相桓溫

丞相王導

丞相王敦

中書令王洽

司徒王珣

司徒王珣

侍中王廙

太宰郗鑒

侍中郗愔

中書郎郗超

尚書令衛瓘

黃門郎衛恒

魏太傅鍾繇

吳青州刺史臧象

晉尚書令衛瓘

晉黃門郎衛常

晉侍中張華

晉丞相王導

晉中書令王洽

晉尚書令王珣

晉中書令王珣

晉太宰郗鑒

晉侍中郗愔

晉中書侍郎郗超

晉侍中王廙

晉太傅謝安

晉散騎常侍謝萬

太傅謝安。

散騎謝萬。

第三卷

晉太尉庾元亮。

車騎將軍庾翼。

太守沈嘉長。

侍中杜預。

王循。

劉超。

散騎謝璠伯。

黃門郎王徽之。

謝莊。

二謝各在
桓溫後。

晉侍中王敦。

晉丞相桓溫。

晉齊獻王侍中司馬攸。

晉侍中杜預。

晉司徒山濤。

齊王杜山合在
伯玉茂先前。

晉太尉庾亮。權揚中來南
者錢去亮字

晉車騎將軍庾翼。

二庾合在
桓溫前。

晉太守沈嘉長。

晉中軍將軍王循。

晉侍中卞壺。

晉衛尉劉超。

侍中司馬攸。

劉瓌。

王坦之。

王渙之。

王操之。

王凝之。

司馬索靖。

侍中劉穆之。

尚書王劭。

車騎紀瞻。

司徒王廐。

太守張翼。

陸雲。

海陵恭侯王邃。

晉散騎常侍謝璠伯。

晉黃門侍郎王徽之。

晉侍中王操之。

晉左將軍王凝之。

晉王渙之。

晉中丞劉瓌之。

晉中書令王坦之。

晉征西司馬索靖。

晉尚書令王劭。

晉中書令王恬。

晉司徒王廐。

晉侍中紀瞻。

晉太守張翼。

晉都督陸雲。

索靖陸雲合在張華之後紀瞻合在下卷之前

中書令王恬。

太守山濤。

侍中卞壺。

謝發。

宋特進王曇首。

中散大夫羊欣。

太常卿孔琳之。

齊侍中王僧虔。

第四卷

梁尙書王筠。

特進沈約。

刺史阮研。

征南將軍蕭確。

蕭思話。

蕭子雲。

晉海陵恭侯王邃。

晉謝發。

宋光祿大夫謝莊。謝莊嘗在曇首後。

宋侍中劉穆之。

宋特進王曇首。曇首仍謫王曇首。

宋中散大夫羊欣。

宋太常卿孔琳之。

南齊侍中王僧虔。

晉西中郎將陳達。陳達與桓元子同時。

宋給事中薄紹之。

宋征西將軍蕭思話。

梁尙書王筠。

梁特進沈約。

梁交州刺史阮研。